

2015 Brambrüeler

Will's mir Medizin doch ständig vorwärts goht
Isch mini Schwiegermuatter immer no nit tot
Sit neuschem isst Si no Vegan – I bin betroffa
So kann i nit molmeh uf Carna Grischa hoff

Dr Hürlimann isch doch für d SVP a Schmach
Sis Hotelzimmernummerli das isch rächt schwach
hätti i dia Hegglin 3 Stund gliabt und küsst
denn hätti sie's am nögschta Tag beschtimmt no gwüsst

Lügen haben kurze Beine - so wirts si
drum isch dr Remo Stoffel wohl au eher kli
wenn dä so wieter gschäfta tuat so waiss dr Gaier
jo denn rollt er ima Johr uf sina Eier

Reden Schwoba Schwitzerdütsch lupfts miar dr Huat
do drgega gfallt miar Züritütsch grad guat
Dr ainzig dütschi Satz wo i fascht schrai vor Glück
isch dä wenn aina sait: ich pack und geh zurück

Dr Schawinski figgt na a de armi Thiel
dini Frita sait er das isch aifach zviel
do lacht der Thiel und sait dis Mul find i viel schlimmer
Hoor kasch schnida doch d'Schnorra häsch für immer

Mini Frau hät wäg da Falta khum no glacht
drum hät sie mittlerwiel a Schönhaits OP gmacht
ma hät viel Huut entfernt und strafft jo ihra gfallts
blöd isch numa Brüscht sind jetz am Hals

Khum isch dr Janka gstartet kasch as scho vergässa
Sini Rückständ werdend in Minuta gmässa
D'Analyse vo da Bilder isch dr Hit
Sogar dr Vorfahrer hät dia besser Zyt

Dia Gschicht mim Schumi – es isch a Risasach
Ma frogt isch er im Koma oder isch er wach
Ds gliche frog mi au – und das isch doch z'Problem
Wenn i dr Stapi - im Büro sitza gsehn